

*Minister di
Turismo y
Transporte
Otmar Oduber*

Inauguracion di Linear Park lo ta yena cu diferente actividad pa henter famia



ORANJESTAD- E proyecto di Linear Park ta practicamente yegando na su final. Minister di Turismo y Transporte Otmar Oduber ta orguyoso cu e proceso ta asina leu cu por duna inicio oficial na e proyecto aki.

INAUGURACION

Inauguracion oficial di Linear Park ta cada dia mas cerca y entusiasmo pa cu e gran dia aki ta hopi grandi. Diferente Minister a uni forza pa haci di



Bista di e kiosconan riba e Linear Park

e dia aki uno grandi caminda lo tin actividad pa grandi y chikito durante henter dia. Minister Otmar Oduber orguyosamente a informa cu e dia aki lo conta cu e famoso Mercado di Santa Rosa for di

10 or di mainta. E mercado lo conta cu diferente productonan local pa deleita tur presente, mientras cu animacion, bar y cushina lo ta sublime, manera Santa Rosa so por ofrece.

ACTO OFICIAL

Pa 11or di mainta lo tuma luga e acto oficial di inauguracion di Linear Park y Plasa Turismo cu lo conta cu e bunita logo di Aruba adorando esaki. Na momento

cu e acto oficial finalisa, lo tin diferente actividadnan deportivo tumando luga mientras cu e animacion musical y Mercado di Santa Rosa ta continua. Algun di e actividadnan deportivo cu lo tuma luga a lo largo di Linear Park ta Straatvoetbal, Beach Volley, Tai-Chi, Zumba, Schermen, Tang Soo Do, Cross Fit, Caminata di Aruba Bank y no por laga afo e competencia di botonan miniatura.

COMUNIDAD

Minister Otmar Oduber hunto cu su coleganan di Gabinete Mike Eman ta invita henter pueblo di Aruba pa ta presente diadomingo 17 di maart pa e inauguracion oficial di Linear Park y Plasa Turismo. E diadomingo aki lo bira un dia grandi caminda henter comunidad por disfruta di un di proyecto na bienestar general di nos pueblo. E proyecto aki cu ta beneficia e comunidad completo y cu nan por hazi uzo di dje na diferente manera. □